



**Aclaracións da Dirección Xeral de Educación, Formación Profesional e Innovación Educativa relativas a diversos aspectos do bacharelato derivados do réxime transitorio da implantación da Lei Orgánica 8/2013, de 9 de decembro (LOMCE), realizadas en reposta as consultas formuladas no inicio do curso 2016/2017.**

O Ministerio de Educación, Cultura e Deporte regulou, na Orde ECD/462/2016 (BOE de 5 de abril), o procedemento de incorporación do alumnado a un curso de ESO ou de Bacharelato do sistema educativo definido pola LOMCE con materias non superadas do currículo anterior á súa implantación.

A Resolución do 15 de xullo de 2016, da dirección Xeral de Educación, Formación Profesional e Innovación Educativa, ditou instrucións para a implantación, no curso 2016/17, do currículo establecido no Decreto 86/2015, do 25 de xuño, da educación secundaria obrigatoria e do bacharelato nos centros docentes da Comunidade Autónoma de Galicia.

Posteriormente foi aprobado o Real Decreto 310/2016, de 29 de xullo, polo que se regulan as avaliacións finais de ESO e de Bacharelato (BOE do 30 de xullo).

Co obxecto de clarificar a aplicación práctica da citada normativa, dar resposta ás cuestións formuladas polos centros educativos e unificar as actuacións no curso escolar 2016-2017 nos centros educativos que imparten ensinanzas de réxime xeral, realízanse as seguintes aclaracións:

**Primeiro curso de bacharelato:**

---

O alumnado que no ano académico 2015-2016 realizou o **primeiro curso de bacharelato** e deba permanecer no mesmo curso no 2016-2017, deberá matricularse de todas as materias, repetir o curso na súa totalidade e non manterá as cualificacións obtidas no curso anterior.

**Segundo curso de bacharelato:**

---

1) O alumnado que cursou as ensinanzas de **segundo de bacharelato** no curso 2015-2016 e finalizou con avaliación negativa nalgunha das materias cursadas poderá optar, por repetir o curso completo ou por matricularse unicamente das materias non superadas. Os centros garantirán que o alumnado teña información sobre esta posibilidade.



O alumnado que opte por repetir o segundo curso de bacharelato completo non manterá as cualificacións das materias superadas previamente.

**2) O alumnado que se matricule no 2º curso de bacharelato unicamente das materias non superadas rexerese polas seguintes regras en cada un dos casos:**

**a) Materias pendentes de superación de segundo curso con idéntica denominación na planificación LOE e LOMCE e incluídas na planificación da LOMCE no bloque de materias troncais xerais:** deberá cursar a mesma materia ou materias que tivera pendentes de superar.

**b) Materias pendentes de superación de segundo curso con diferente denominación LOE e LOMCE e incluídas na planificación da LOMCE como materias troncais xerais pero incluídas no anexo único da Orde ECD/462/2016, de 31 de marzo ( o caso da Lingua estranxeira):** deberá cursar a materia.

**c) Materias pendentes de superación de segundo curso con idéntica denominación en LOE e LOMCE e clasificadas en LOMCE como materias troncais de opción ou específicas,** o alumnado poderá optar por:

- Cursar a mesma materia ou materias que tivera pendentes de superar de segundo.

- Substituír o mesmo número de materias pendentes de superar por outras, entre as pertencentes ao mesmo bloque de materias determinadas no Decreto 86/2015, do 25 de xuño, non cursadas previamente. No caso de materias troncais de opción, se opta por substituílas por outra deberá ser da mesma modalidade e non cursada previamente.

Cando a materia pendente sexa **Historia da Filosofía**, que pasa de ser materia común de todas as modalidades de bacharelato na LOE a ser materia troncal de opción da modalidade de Humanidades coa LOMCE, o alumnado da **modalidade de Humanidades** que teña suspensa a materia de Historia da Filosofía, se opta por substituíla debe ser por outra pertencente ao mesmo bloque de materias troncais de opción, da mesma modalidade e non cursada previamente.

Se o alumnado cursa a **modalidade de Ciencias ou de Artes** e ten pendente de superar a materia de **Historia da Filosofía** pode optar por:

- cursala de novo, na condición de materia específica dentro das materias troncais de opción doutra modalidade.



- substituíla, por outra materia dentro do bloque das materias específicas. Hai que ter en conta que dentro dese bloque de materias específicas pode estar incluída unha materia troncal de opción.

**d) Materia ou materias pendentes de superación de segundo curso LOE que desaparecen da oferta educativa do segundo curso LOMCE.**

O alumnado que ten pendente a materia de Literatura Universal, materia propia das modalidades de Humanidades e Artes na LOE e que na estrutura LOMCE non está incluída nese segundo curso, deberá substituíla por outra da súa elección dentro das troncais de opción ou específicas.

**e) Materias pendentes de segundo curso con idéntica denominación en LOE e LOMCE e incluídas en LOMCE como materias de libre configuración autonómica, o alumnado poderá optar por:**

- Cursar a mesma materia ou materias que tivera pendentes de segundo (Sería o caso da materia Electrotecnia)
- Substituíla por outras entre as pertencentes ao mesmo bloque de materias.

**3)** Os centros, de acordo coa súa organización docente, permitirán que o alumnado que o solicite poida asistir ás clases das materias que ten superadas e daquelas materias ( como Latín , Matemáticas Aplicadas ás CC.SS e Fundamentos da Arte) que algún alumnado non cursou pero que podería preparar para a realización da avaliación individualizada, no caso de que opte por realizar esta proba.

**4)** Todas aquelas situacións individuais do alumnado que non estean contempladas na Orde ECD/2016 de 31 de marzo, serán resoltas pola Dirección Xeral, previo informe do Servizo de Inspección Educativa.

Santiago de Compostela 26 de setembro de 2016

O director xeral

Manuel Corredoira López

